

**TIMOR OAN RIHUN BA RIHUN KONTRA GOVERNU AUSTRALIA**

**Mgr. Hilton Diken: Povu TL tenke hetan nia soberania**



Povu Timor Leste (TL) iha Dili laran, Tersa (22/03/2016), tun nakonu iha dalan sidade Dili halo asaun demonstrasaun iha embaixada Australia oin hodi kontra Governu Australia atu deside lolos fronteira maritima (median line) entre Timor Leste ho Australia.

Hahú tuku 07:00 Otl, estudante sira ensinu secundaria to'o ensinu superior, sociedade sivil sira, funsionario publiku, veteranus no membru Parlamentu Nasional balun la'o nadodon konsentra hotu iha Jardim Bebora hodi la'o ba Embaixada Australia nia oin.

Iha jornada manifestasaun ne'e, ema rihun ba rihun haklalak, viva Timor Leste, viva povu Maubere, abaixo Governu Australia hodi lori mos expanduk kores no medida oi-oin hakerek dehan, STOP AUSTRALIA BULLYING MORE TEFHT, AUSTRALIA HANDS OFF TIMORS OIL, MEDIAN LINE NOW, DON'T PLAY GAME AGAINST OUR RIGTH OF

MARITIME ZONE, AUSTRALIA DON'T KILL MY LIFE PLEACE no seluk-seluk tan.

Manifestante sira to'o iha Embaixada Australia nia oin tuku 09:30 OTL, hodi rakalele no hakilar abaixo Australia, a luta continua ho kanta hino nasional PATRIA-PATRIA.

Iha manifestasaun ne'e, manifestante sira hakilar, "Australia naok ten, Australia ekspansionista (pencaplok), Australia tenke respeita soberania tasi Timor nian hodi rezolve liu husi liña klaran (Median Line), Australia tenke moe ho problema ne'e, Australia tenke disponibel tur halo negosiasiun ho TL ba Fornteira Maritima ne'e, Viva Timor-Leste."

Juvinal Diaz, komisaun organizadora manifestasaun kontra Governu Australia husi Movimento Kontra Okupasaun Tasi Timor (MKOTT) alerta katak, povu Timor tomak hamrik hamutuk atu defende nia soberania, Timor Leste kuando indenpendensia total bainhira Timor iha soberania talehan, rai ho tasi.

"Tinan barak nia laran Governu Australia uza nia politika hodi hadau okupa tasi Timor ne'ebe lolos sai pertensia povu Timor Leste nian. Ita mai hamutuk iha ne'e laos tanba ita rai kik ka rai kiak, maibe tanba ita rai ne'ebe iha direitu hanesan ho nasaun Australia," Juvinal hateten.

Juvinal afirma katak, tinan barak nia laran povu Timor hamrik fakar ran tan deit atu defende nia identidade nudar povu maubere no nudar jersaun foun la bele husik askrifissiu ne'ebe mak heroi sira husik hela ba jersaun foun.

Nia hateten, povu maubere tenki hamrik hamutuk partisipa soberania nasional hodi salva guarda nia soberania. Basa, Governu Australia inklui media Australia sira halo propaganda katak, povu Timor Leste mak hetan benefisiu husi sira nia ajudado, maibe la hatene fo obrigado.

Juvinal sublina katak, povu Timor la haluha Australia nia apoiu iha tinan 1999 ne'ebe forsa Australia mak tun primeiru mai Timor hodi salva povu Timor husi Indonesia, maibe hanesan povu maubere Timor mos la satisfas ho hahalok Australia ne'ebe mak durante Timor ukun an to agora foti bilhoens 5 USD husi tasi Timor.

Iha fatin hanesan Bispu Australia nian, Mgr. Hilton Diken hatete, maske bispu, maibe nia mai lo'as lori igreja Australia nia naran, maibe nia mai lori povu Australia feto ka mane ne'ebe fiar povu Timor sira ne'ebe mak prezisa hetan justisa ba fronteira maritima.

"Ita boot sira iha indenpendensia tenki total, tan ne'e tenki iha indenpendensia soberania total husi talehan, rai ho tasi i agora iha Australia povu sira iha neba mos halo hela demonstrasaun solidariza povu Timor hodi hetan justisa ba soberania tasi nian," afirma Mgr. Hilton.

Mgr. Hilton fo sasin katak, Australia mak nasaun ne'ebe mak ignora tiha direitu Timor nian ba soberania tasi Timor, tan ne'e Australia to'o agora manipula povu Timor, tanba hakarak povu Timor nia mina ho gas, entaun agora tempu ona atu hapara situasaun ne'e, tan ne'e lori povu Australia nia naran hakarak hatete povu Australia sempre hamutuk ho povu Timor hodi ejije no hakilar Timor nia direitu hodi hetan justisa ba tasi Timor.

Wilson hanesan aktivista husi Indonesia hateten, nia lori maluk Indonesia sira ne'ebe mak solidariza povu Timor hakarak deklarata katak, saida mak Governu Australia halo ne'e hanesan hahalok okupasaun ho kolonialismu, povu Timor Leste mak manan iha istoria kontra kolonialismu.

"Iha tempu okupasaun Portugues mos povu Timor hamrik hamutuk hakilar a luta continua hodi duni sai Portugues sira no iha akupasaun Indonesia mos povu Timor sira hamutuk hakilar a luta continua duni sai tan Indonesia sira agora mos tenke hakilar bei-beik para defende Timor nia soberania," afirma Wilson.

Wilson hateten, povu Timor sira tenki hamutuk hodi ejije ba Australia tenki halo negosiasiun no ejije Australia tenki fo fila Timor nia direitu ba soberania tasi Timor.

Kinta (24/03/2016), aktivista Indonesia sira hamutuk ho povu Indonesia mos sei halo demostrasaun ida iha Jogjakarta no mos iha Jakarta iha Embaixada Australia hodi ejije ba Australia atu respeita soberania tasi Timor.

Alende diskursu husi Juvinal, Bispu Hilton no Wilson, representante feto, Organizaun Juventude Rezistencia Timor Leste

(OJETIL), Komite 12 de Novembru, reitor UNTL, UNITAL no mos veteranus sira.

Hafoin ida-ida hato nia lia fuan badak kona ba fronteira martitima, to oras 11:30 meudia manifestante balun hahu fila ona hodi buka be ka hahan ruma atu han, tanba loro mos komesa manas no oras mos lao dadaun ba meudia, nune'e to oras 12:00 manifestante sira ne'ebe kompostu husi estudante, funsionario publiku inklui populasau bain-bain sira fila hotu ona, hela deit mak siasidade sivil sira ho komisaun organizadora no mos comunidade balun ne'ebe mak hela besik ne'e mak sei iha fatin demostrasau.

## Defende soberania

Husi sorin seluk, timor oan Luciano Romano hateten, ohin loron povu hamrik, hanoin hikas fila fali ba tinan 42 liu ba enkuantu jovens dirijenti politiku Timor Leste ida ho naran Jose Ramos Horta hasoru malu ho Ministru Negosio Estranjeirus Indonesia Adam Malik

"Ita hamrik iha ne'e hanoin hikas fila fali ba tinan 42 liu ba enkuantu joven dirijenti politiku Timor Leste ida ho naran Jose Ramos Horta hasoru malu ho Ministru Negosio Estranjeirus Indonesia Adam Malik, iha enkontru ne'e Adam Malik hatete Indonesia sei respeita, Indonesia sei apoiu independensia povu Maubere nian, fulan 3 depois enkontru iha Jakarta Primeiru Australiano mosu iha Jakarta hasoru malu ho ditadura Jeneral Suharto iha Jawa Tengah," hateten Luciano Romano.

"Ba ita Timor Leste, ba ita povu Maubere ita nia integridade tenki loyal, ita nia dignidade povu no soberania estadu, la iha tawar menawar, ita nia soberania estadu, intregadu teritorial ne'e harga mati laiha negosiasau," hateten Luciano.

Nia esplika liu tan katak, iha enkontru ne'e motiva Jeneral Soeharto, fo koragen ba Soeharto atu mai invade rai ida ne'e, iha 1975 Primeiru Ministru Australia halo aliadu permanente ho Republika Indonesia ho regime Soeharto oinsa bele invade no oinsa bele oho povu maubere.

Nia subliña tan katak iha nivel politika hotu hotu, iha prosesu hotu, lider politiku Australia hatete ba Timor oan sira se mak hakarak ukun an, sira hatete independensia imposivel, independensia la logika, independensia regional miabe ohin loron sai logika, ohin loron sai logika, ohin loron sai logika tamba ida ne'e mak hotu hotu mai hamrik iha embaxaida Australia nia oin. Dehan Luciano

"Australia nia konspirasau to'o unidade nasional laos maibe invade ita nia rai ou mai okupa ita nia nasaun maibe iha nivel internasional Australia i nome Indonesia lobi oinsa mobiliza comunidade internasional vota kontra independensia iha nasoesn unidas," afirma Luciano.

"Funu nain sira, asuwain sira iha tempo difisil, iha situasau saida deit povu maubere nunka hakruk ba ema ida, nunka hakruk ba nasaun ida, nen hakruk ba Republika Indonesia, nen hakruk ba Australia, ita sempre kontra" dehan Luciano.

Nia hatutan uluk Australia apoiu Indonesia atu hadau Timor nia rikusoin iha tasi laran gas ho mina rai, enkuantu politika global muda, Governo Australia lidera husi Primeiru Ministru John Howard komesa apoiu independensia Timor Leste nian.

## Australia tenke respeita

Iha fatin hanesan Mariano Asanami Sabino hatete iha fatin ida ne'e atu konsilida unidade nasional, luta fronteira maritima apoiu maun bo'ot Xanana Gusmão.

Nia hatutan luta ba fronteira maritima laos foin mak hahu desde 1989 kuandu Ali Alatas asina ho Ministru Negosio Estranjeirus Australia nian maibe joventude sira husi estudante renetil, empetu hotu hotu la aseita.

"Ita afirma dala ida tan katak determinasau ba fronteira maritima nia jerasau ba jerasau, desde uluk ita dehan ami nia luta ne'e laos ona objektivu, luta ne'e fiar ida, luta ne'e jerasau ba jerasau, mate ba ukun rasik an, moris ba ukun rasik an, isin maubere klamar mos maubere," hateten Mariano Sabino.

"Ita hakarak avisu husi sentral nebe movimentu estudante universidade lubuk ida mak iha ne'e, ami imi nia maun sira nebe que uluk hamutuk ho imi nia maun sira seluk hatudu ona dalan luta nebe que firmeza ohin ran ne'e turuk ba imi, sei turuk ba ita nia oan sira bei oan sira tamba ne'e mak ami husu ba Australia respeitu, labele husik povu rua ne'e odio malu, respeitu tamba uluk ami fo ami nia avo sira kuase 40 mil pesoas mate satan funu ida para labele ba Australia."

Nia hatutan uniku Australia mak Timor Leste fo nia uma lisan ba hela, uma adat hira mak fo ba Australia.

"Ami husu ba imi uniku imi mak ami fo ami nia uma lisan imi hela, uma adat hira mak ita fo ba sira, ami lafo ba embaxada seluk, ami la fo ba povu seluk, ami fo ba povu Australia, ami fo ba Governu Australia ne'e dignidade povu maubere nian, povu nebe hatene respeitu, ohin ami husu imi respeitu ami nia fronteira maritima, respeitu justisa, se ita la respeitu justisa, ita la honestu, ita la defende fronteira maritima ne'e povu tradisional pove ida que lahatene hakerek povu nebe la respeitu ba lei, ami husu senadu sira nebe Parlamentu nia oan, Governu Australia nebe povu nia oan fo fila fali ami nia direitu, ami nia moris diak" dehan Asanami.

## PNTL fo seguransa maxima

Polisia Nasional Timor Leste (PNTL) tuku 7:00 dadersan deit taka ona estrada protokolu skerda no direita husi Fatuhada ba Mandarin. Nune'e halo engrafamentu bo'o iha area Bairro Pite no tasi ibun Praia dos Coqueiros.

Ekipa seguransa ne'ebe hala'o kna'ar iha embaxada Australia nia oin mak polisia unidade Batalaun Orden Publiku (BOP) no Taks Force no polisia especial, tantu ba area sira seluk polisia unidade tranzitu mak fo seguransa.

Iha demostrasau dahuluk ne'e partisipa husi estudante sekundaria, universidade, veteranus, organizasau joventude, siasidade sivil, membru Parlamentu Nasional, funsionariu publiku inklui ema estranjeiru.

## Governu apresia manifestantes

Nune'e mos, Governu apresia maka'as ba Timor oan sira ne'ebe halo manifestasau pasifika kontra Governu Australia kona-ba disputa fronteira maritima.

"Ita apresia ita nia populasau halo asaun ida ne'e,"esplika Ministru Peroleu Rekursu Naturais (MPRN) Alfredo Pires iha Palasiu Governu, Tersa (22/03).

## BISPU HILTON KONTRA GOVERNUN AUSTRALIA



DILI - Bispu Hilton Deakin hosi Melbourne-Austrália kontra nia governu rasik kona-ba liña fronteira marítima hodi ezije atu governu Austrália respeita Timor nia soberania.

“Ha’u la ko’alia en-nome Igreja Austrália, tanba ha’u labele maibé ha’u ko’alia lori naran povu Austrália ne’ebé fiar ita boot sira. Ha’u fiar no povu Austrália fiar ita boot sira buka justisa ne’ebé maka loos ba fronteira marítima nian,” dehan Bispu Hilton bainhira hato’o nia lia menon ba demonstrante sira iha Embaixada Austrália nia oin, Fatuhada, Tersa (22/3).

Nia hatutan, ko’alia lori naran povu Austrália ne’ebé maka fiar ba Justisa sosiál povu Timor sei determina fronteira marítima ne’e, maibé ema balun de’it iha Austrália maka la fó fiar ba ita boot sira (TL) nia direitu.

“Ha’u fiar katak ita boot sira nasaun ne’ebé maka independénsia ho soberania maibé ita boot sira seidauk hatene fronteira marítima ne’e to’o iha ne’ebé. Nasaun ne’ebe maka viola maka Austrália. Ami mós kompriende ita boot sira nia luta ba independénsia, ita boot sira nia luta hodi desidi ita boot sira nia istória no istória ne’e komplikadu tebes. Maibé, Austrália ha’u nia nasaun hatudu buat ne’ebé bosok ba imi,” dehan Bispu ne’e.

Nia esplika liu-tan, Austrália nia hahalok maka kontinua manipula nasaun Timor-Leste nia rikusoin.

“Ema Austrália sira ne’e iha interese maka’as ba imi nia mina ho gas. Ne’e maka ita hotu hamutuk hapara buat ne’e. Atu dehan ba ita boot sira katak povu Austrália barak maka hakarak apoia ita boot sira iha Austrália. Povu Timor ho Austrália la’o hamutuk no luta hamutuk hodi desidi futuru Timor-Leste,” dehan Bispu ne’e.

Nia hatutan, iha Austrália mós halo hela demonstrasaun kontra sira nia governu ba povu Timor nia mina ho gas maibé ladún barak. Demonstrasaun iha Timor barak liu sira iha Austrália.

Timor Post

Publicada por TIMOR AGORA

Etiquetas: TETUN